

# Quæstionum Canonicarum, In Quinque Libros Decretalium, Tomus ...

In Librum II. Decretalium, Per Triginta Titulos Distributum, In Quo Agitur De Judiciis, Foro Competenti, Libelli Oblatione, Mutuis petitionibus, ...

# Krimer, Ferdinand Augustæ Vindelicorum, 1708

Articulus VI. De criminibus mixti fori.

urn:nbn:de:hbz:466:1-73001

deò etiam immemorialis, immunitatem Ecclesiasticam contra Juris Canonici dispositionem, directè, vel indirectè, etiam in aliquo tantum lædunt, deprimunt, vel quovis modo restringunt; de quibus V. Castropal. de Censuris D. 3. p. 16. Es segg. Ex quo etiam patet ad 3. de præscriptione; nam & hæc foret ejusmodi immunitatis læsiva, diminutiva, vel restrictiva.

# ARTICULUS. VI.

De criminibus mixti fori.

Rimen mixti fori est illud juxta Beanedictum Pereyram in appendice Elucidarij num. 1956. quod pertinet ad utrumque forum , nimirum Laicum , seu Seculare, & Ecclesiasticum, ità, ut de illo crimine possit cognoscere Judex, vel Laicus, vel Ecclesiasticus, data præventione, quæ scilicet datur, quando alter ex di-Ais Judicibus capit prior cognoscere. Unde illa præventio & quædam anticipatio cognitionis, que impedit, ne alter se intromittat. Cum enim prevenire apud Latinos sit venire, antequam alter veniat, fic apud Juristas est praoccupare causam, Teu venire ad illam, antequam alter Judex veniat. Unde etiam Soncinas in c. 14. de foro compet. apud Haunoldum tom. 5. de fustit. tr. 1. n. 322. praventionem, ait, esse jurisdictionis approbationem sibi toli in aliqua causa (hoc est, xque immediate) qua pluribus competebat; quibus positis:

e. İ

An causa adulterij sit mixti sori?

Ognitionem causa de adulterio spetest ex toto titulo C. ad Legem Juliam, de adulterijs; præsertim L. 30. ubi agitur de his, quibus licèt adulterum accusare; sed de his egimus l. 4. tit. 19. de Divortijs; & lib. i. tit. 9. de Adulterijs: esse etiam fori Ecclesiastici, constat ex lib. 5. tit. 9. & c. Gaudeamus, 19. de convers. tonjugat. ibi: mulieres vero, qua relicto mariiali thoro, lapsu carnis ceciderunt, si ma-Tom. II.

riti earum à te diligenter commoniti, eas ad frugem melioris vita conversas noluerint recipere propter Deum, in claustris cum religiosis mulieribus studeas collocare, ut perpetuam pænitentiam ibi agant, quibus positis:

Quastio est. r. an, cum innocens agit de adulterio contra Reum, possit eum citare adutrumque Judicem ex his, quibus competit jus præventionis? Resp. de hoc casu agi c.fin.de Rescript.ubi dicimr, quòd, si quis alium super uno negotio, vel pluribus personalibus actionibus, que sub uno Judice possent tractari commodius, per varias litteras ad diversos Judices trahat, litterarum commodis careat, & ad expensas, quas propter hoc Adversarios tulisse constiterit, condemnetur; ubi nota, quòd quamvis talis perdat commodum literarum ex tali abusu; non tamen perdat ransam; cum de hoc nihil exprimatur: & licet hic fiat mentio solum de actionibus perfonalibus, non autem realibus; si tamen in his etiam militet eadem ratio; quæin textu affignatur pro personalibus (nempe ut vocatus ad diversos Judices laboribus fatigatus, & sumptibus, velcompellatar componere, vel cedere jari suo) censet Panormitanus ad cit. c. fin. n. 12. idem dicendum etiam in realibus; quem sequitur Wagnereck ibid. E. super und negotio, saltem quoad observationem; hocenim fine fatigare Adversarium; naturali lumini contrarium videtur.

Quastio altera est, an, quando solum civiliter agitur contra adulterum, nimirum ad separationem thori, & jacturam dotis, quæstio hæc sit mixti fori consequenter sit locus præventioni? 2. quid; si agatur criminaliter, nimirum ad vindictam publicam? Ad 1. in hoc hum. Resp. remissive ad tib. 4. decret. ubi ad i. diximus negative; ad 2. affirmative; hujus ratio sumitur ex c. Tua Fraternitati; 5. de Procuratoribus, ubi, cum hoc Brixinensis Episcopus Innocentio III. propofuisset, idem illi sic respondit: quod, si vir accusat Uxorem de crimine Adulterij coram Judice seculari ad poenam legitimami infligendam (quia tune inscriptionis vinculum debet arripere, seque ad pænam talionis astringere: non per procuratos P 2

398.

200



rem, sed per ipsum præsentem oportet præsentialiter accusare. Si verò vir accusare velit Uxorem de adulterio coram Ecclesiastico Judice, ut ab ejus cohabitatione discedat, quia tunc etsi forsan oporteat eum inscribere, ut designet in scriptis Nomen, locum, & tempus, & omnia, quæ comprehenduntur in lege civili: ad talionem tamen non debet se aliquatenus obligare: ne forte cum in probatione defecerit, intentionis sua consequatur effectum: sustineri potest, si necessitas id postulaverit, ut per Procuratorem acculet; quoniam hujusmodi accusatio, etsi de crimine fiat, non est tamen criminalis, sed quasi mixta inter civilem, & criminalem, quanquam in præfentia prin-

cipalium personarum securius proce-

datur.

Ex hoc textu deducitur, quando causa adulterij criminaliter accusatur, proponendam coram Judice seculari; si civiliter, coram Ecclesiastico: adeoque guxstionem super delicto adulterij solum civiliter intentata ad separationem thori, vel amissionem dotis, non esse de causa mixti fori; colligitur ex cit. textu, & c. adhac 1. ut lite non contestatà, ubi haberur, quòd si agatur de adulterio ad separationem thori (non ad poenam capitalem, vel Sanguinis) & ante litis contestationem Reus est contumax, possit excommunicari, non tamen testes recipi, vel causa definiri; & ita tradit D. Thomas in 4. dift. 35. q. unica, a. 3. ad 5.

Dices: in dict. c. Tue, 5. de Procurat. non dicitur, quòd Vir coram Judice Ecclesiastico debeat Uxorem adulteram accusare, quando agit, ut ab ejus cohabitatione discedat, sed tantum, quod, si velit accusare Uxorem de adulterio coram Judice Ecclesiastico, ut ab ejus cohabitatione discedat, non teneatur se tunc ad talionem obligare; ergo non rectè probatur, quòd, quando Vir ex adulterio agit civiliter ad divortium thori, debeat causam proponere solum coram Judice Ecclesiastico; licet possit; adeoque ejusmodi quæstionem non esse mixti sori. Et ideo Barbosa in dict. c. Tua, num. 2. de adulterio, inquit, ad pœnam Sanguinis imponendam, solus Judex secularis est competens, quoad alias verò pœnas est mixti fori, ac subinde datur locus præ-

ventioni. V. Covarr. de Sponfal.p. 2. c. 7. §. 7. num. 12. Clarus §. fin. q. 37.n. 3. vers. quero nunquid causa.

Resp. verum esse, quod dicatur expres. 402; sè, quòd Vir tali casu debeat causam divortij proponere solum coram Judice Ecclesiastico; verum tamen etiam esse, id in eodem textu supponi; & ab ipso etiam Barbosa in dictum c. 5. num. 4. tradi, cum ibi aperte dicat: Judex Ecclesiasticus solus est competens ad cognoscendum de adulterio, ut ratione illius divortium celebretur ; cujus ratio est ; quia , cum divortium solvat innocentem à vinculo, quod nascitur ex Sacramento connubij, quo Conjuges obligatione mutua tenentur cohabitare, & usum etiam conjugalem alter alteri concedere; sicut ob rationem Sacramenti ad solam Ecclesiam spe-Etat cognoscere, & authoritative conservare individuum nexum matrimonii; ita ad éundem solum pertinebit de causis ejus dissolvendi judicium ferre, ut ostendimus l. 4. decret. à num. 1652. & ita præter citatum D. Thomam, censer Sanchez l. 10. Matrim. D. S. z. 15. Layman , l. 4. Theol. moral. tr. 9. c. 2. num. 5. & complures alij.

Hac occasione dicti c. Tue, colliges, 4034 quando maritus accusat Uxorem adulteram criminaliter ( nimirum ad pœnam legalem, (ex Sanguinis) id ab eo debere fieri personaliter, non per Procuratorem; cum teneatur ad pænam talionis t. si autem coram Ecclesiastico solum civiliter ad divortium, non teneri se obligare ad pœnam talionis, & posse per Procuratorem; cujus ratio datur in textu, ne forte, cum in probatione defecerit; intentionis sue consequatur effectum; nimirum, ne, si fortâssis hac via se ab Uxoris cohabitatione liberare intenderet, & per falsam accusationem non obtineret, altera per talionem consequeretur. Coll. 2. non omnem accusationem de crimine, esse criminalem, ut aperte deducitur ex dict. c. Tue, ibi: quoniam hujusmodi accusatio (nimirum de adulterio Uxoris, ut ab ejus cohabitatione discedat maritus) etsi de crimine fiat, non est tamen criminalis; sic Innocentius III. ad Episcopum Brixinentem , ut habetur in c. Tue 5. de Procuratorib. cujus verba dedimus supr.

491.

Ex

Ex dict. Coll. 3. si lite coram seculari Judice motà, de alimentis præstandis Uxori separatæ à Marito, Maritus opponat adulterij Crimen, ob quod mulier jure alimentorum privata sit, Judicem secularem lite supersedere debere, donec quæstio incidens à Judice Ecclesiastico terminetur; hujus ratio est; quia hoc ipso, quòd intentatà coram seculari Judice causà, super alimentis incidat quastio divortij,seu separationis quoad cohabitationem, illa terminari nequir, antequam cognoscatur super justitia causæ divertendi, seu discedendi à cohabitatione; hoc enim sonat incidentia causa, cum respiciat ipsum meritum causæ, & habeat ortum ante litem contestaram, ut bene notat Pereyra in Elucidario num. 1867. sed hæc quæsfio cognosci non potest à Judice seculari, & terminari potest à solo Ecclesiastico ex num. 402. ergo.

Qualtio 4. est, an finito judicio criminali de adulterio ad pœnam legalem, innocens possit instituere actionem quali civilem ad divortium, vel ècontra finito judicio divortij eandem actionem intentare criminaliter? ante resolutionem nota, quòd, licèt utráque actio (nimirum five criminaliter, five civiliter intentata Reo) tendat ad punitionem (licèt criminalis ad pænam; seu vindictam publicam; civilis, ad privatam, nimirum dotis amissionem, & separationem ab obligatione cohabitandi ) quandóque tamen actio civilis directè intentari possit Reo, non, ut inde innocens capiat lucrum; sed solum, ut evitet damnum; his præ-

Ad quæstionem propositam Resp. post judicium criminale ad punitionem legalem, seu vindictam publicam, non concedi actionem civilem directe ad pænam privatam; nec vicissim, sinito judicio directe ad punitionem privatam, concedi actionem criminalem ad pænam legalem; ita Sotus l. 4. sent. D. 37. q. unic. a. 3. Abbas inc. Tuæ, 5. de Procurat. n. 5. & complutes alij; probatur ex L. quod Senatus consultum, 6. sf. de injuriis, ibi: plane si actum sit publico judicio, denegandum est privatum; similiter ex diverso.

Dixi, per actionem quali civilem dirette ad panam privatam; impediri a-

Stionem criminalem ad pænam legalem, seu vindictam publicam, & econtra: nam secus est, si maritus post, vel cum actione criminali de adulterio contra Uxorem directe agat de solo interesse, seu jactura rei familiaris compensanda. Nam talis actio civilis non prajudicat criminali; nec ista illi, ut tradit Julius Clarus in practic. criminal. q. 2. num. 2. Molina tr. 3. de Just. D. 40. n. 19. & probari potest ex L. unica, C. quando civilis actio criminali præjudicet, ibi : à plerisque prudentium generaliter definitum est, quoties de re familiari, & civilis, & criminalis competit actio, utraque licere experiri: sive prius criminalis, sive civilis actio moveatur: nec siciviliter fuerit actum, criminalem posse consumi: & similiter econtrario.

# ő. İİ.

An causa Blasphemiæ sit mixti fori?

Nte resolutionem nota, Blasphe-Amiam, de qua late Suarez tom. 1: de Relig. l. 1. àc. 4. esse vocem Græcam; quæ apud Latinos idem valet atque vituperatio, execratio, maledictio: apud Theologos autem, & S. Paginæ interpretes fumi dupliciter. i. latè pro omni convitio, & maledicto in aliquem, præcipue dignitate, & excellentia pollentem virum; Sic intelligit S. Hieronymus Apostolum ad Titum. 3. admone illos, neminem Blasphemare, id est maledicere, convitiari; 2. stricte, & propriè pro contumelia in Deum, vel Sanctos in Cœlo cum Christo regenerantes, quatenus habent respectum ad Deum, quæ proinde tota in Deum refunditur.

Sanchez l 2. Decalogi c. 32. n. i i. definit Blasphemiam, quòd fit locutio falsa
contra Deum per modum convitij. Dicitur falsa: quia licèt quandoque exerceatur per modos imperativos, & optarivos, in quibus nec enuntiatio, nec proinde
falsitas esse potest; tamen semper ex modo irrisorio, vel contemnenti denotataliquid in Deo contemptibile, quod falsum
est: explicatius dici potest, esse peccatum,
quo aliquid de Divina bonitatis excellentia detrahitur, dicendo falso aliquid Deo
inesse, quod non inesse; vel negando inesse,

P 3 quod

408.

quod inest: idque voluntate quadam derogandi hac ratione Divina bonitati, vel

Majestati.

Observandum autem ad hanc voluntatem non requiri omninò intentionem directam derogandi, qualem habent damnati, sed sufficero indirectam, quando scilicet ex circumstantijs, & modo Divinæ gloriæ contemptum, & diminutionem. Blasphemia latius pater peccata contra fidei confessionem, & distinguitur ab infidelitate: hæc enim in mente residet, & est falsus mentis contra fidem assensus: illa consistit in verbo contra Deum, & potest stare cum vero assensu.

Observandum. 2. quasdam Blasphemias, juxta Sanchez cit. n. 36. effe hareticales, nempe quæ continent errorem contra fidem, explicatæ per verbum indicativi : v. g. hæc : Deus est injustus ; quasdam non ita; quales y.g. Dei maledictiones: essent tamen hæreticales, si Blasphemans affereret, Deum effe illarum capacem. Observandum. 3. Blasphemiam in sua pura ratione tripliciter dividi juxta Lessium 1. 2. c. 45. n. 27. Primo enim dividitur ex parte actus in interiorem, & exteriorem: interior est Blasphemia Cordis: exterior est Blasphemia oris : addunt aliqui Blasphemiam operis, quando scilicet per aliquod opus v. g. Idololatriam, falsum de Deo significatur. 2. ex parte modi, in enuntiativam, imprecativam, 6. dehonestativam. Enuntiativa fit affirmando, vel negando: ut si tribuatur divinæ excellentiæ, quod ei non competit; vel, si negetur, quod competit, aut hoc tribuatur Creaturæ. Imprecativa est, cum quis imprecatur Deo malum; & est propria damnatorum, & hominum pefsimorum. Dehonestativa est, cum quis membra Christi, vel Sanctorum indecorè, & inhoneste nuncupat; 3. ex parte termini in immediatam, & mediatam: inmediata est, quæ fertur immediate in Deum, & est proximè contra virtutem religionis: mediata est immediate contra Sanctos, violatóque proxime virtutem observantiæ: mediate est contra Deum, & remote lædit virtutem religionis; quibus politis:

Resp. Blasphemiam hæreticalem(quando scilicet verba Blasphemiæ continent a-

perre hæresim ) unice spectare ad Judicemi Ecclesiasticum; nam judicium de actiope continente veram hæresim, cum præfumatur animo hæretico proferri) nifi excuset vehemens ira motus, quo judicium rationis vehementer perturbatur) unicè spectat ad Judicem Ecclesiasticum, cum tangatur materia fidei; & ideo talis Blasprudenter judicatur, locutionem habere phemia non est mixti fori quoad quæstionem, an ejusmodi Blasphemia sit hareticalis? secus est de Blasphemia non hæreticali; nam hæc utroquè foro prohibita est; Ecclesiastico quidem, l. 5. tit. 26. civili autem, Novellâ. 77. ut non luxurientur homines contra naturam, nec jurent per capillos Dei, &c.

Si quæras, an Blasphemia commissa à non Christiano, sit delictum fori mixti? Resp. per se loquendo, non esse; quia, cum non Christiani sint extra Ecclesiam, nec subdantur ejus legibus, ut diximus l. 1. tit. 2. non possunt per se loquendo reduci ad forum Ecclesiasticum; sed tantum ad forum seculare, cujus temporali jurisdictioni subsunt; dixi: per se loquendo; nam, si Princeps, vel Prælatus Ecclesiasticus ibi habebat dominium, ut Dominus terrestris, eique tales non Christiani subsint, idem poterit, quod alius secularis, vel per se, vel Delegatum; 2. si Domini leculares forent negligentes in puniendis ejusmodi delictis; sic enim per accidens, Judex Ecclesiasticus, etiam quà talis, posset de tali Blasphemia cognoscere, ac illam punire; cum tali casu versetur periculum animæ, tum in Principe negligente; tum in Christianis, qui exinde graviter scandalizentur.

S. III.

An Incestus sit mixti fori?

E Incestu ex professo agimus l. 4. tit. 13. à num. 1137. præsertim quoad quæstionem, an, & qualiter incestuosis præstet impedimentum matrimonij contrahendi; aut, eo stante; contracti; ex hoc autem deducitur, hoc crimen effe fori Ecclesiastici; quamvis etiam puniatur jure civili (ex quo tandem fit, esse mixti fori) ut constat ex Authent. Incestas, de de incestis nuptijs, ibi: incestas nuptias contrahentis pæna, est confiscatio bonorum

tam caterorum, quam dotis, &c. & L.38. ff. ad leg. Juliam, de adulter. ibi: si Adulterium cum incestu committatur, ut puta cum privigna, nuru, noverca, mulier similiter quoque punietur: id enim remoto etiam adulterio eveniret.

Advertendum tamen, ex hoc, quòd aliquod crimen, vel causa, sit mixti fori, non rectè deduci, quamlibet quæstionem, quæ circa tale crimen, vel causam moveri potest, esse mixti fori; ostenditur hoc ipsum in causa præsenti de incestu. Nam, si circa hoc crimen moveatur quæstio; an incestuosi valide, an licite contraxerint, vel contrahere possint, dubitatione mota de impedimento, an incestus illis hoc, vel impediens tantum, vel etiam dirimens præstet? quæstio est fori tantum Ecclesiastici; si autem nascatur quastio, an qui contraxerunt nuptias incestas, incurrerint pænas quoad jacturam rerum temporalium, v. g. bonorum conficationem, est fori solum Laici, nisi moveatur alia quæstio ( quam dicunt incidentem) quæ prius per Judicem alterius fori definienda sit.

# à. IV.

# An cause Matrimoniales sint mixti fori?

416. CI loquamur de causis pertinentibus ad Substantiam Matrimonij, non est dubium, eas pertinere ad solum forum Ecclesiasticum, per canon. 12. Concilij Trid. seff. 24. de Matrim. ibi : si quis dixerit; causas matrimoniales non spectare ad Judices Ecclesiasticos, anathema sit; de quo plura diximus l. 4. decretal. à n. 1652. & de hac quast. etiam agitur in Trident. seff. 24. de Reform. c. 20. ibi : cause maprimoniales, non Decani, Archidiaconi, aut aliorum inferiorum judicio, sed tanjum Episcopi examini, & jurisdictioni relinguatur; ex quo sequitur solum Episcopum, ejusque Vicarium Generalem; ex propria, & ordinaria jurisdictione de causis illis judicare. Ex hoc nascitur que-Itio, an si alicui à Summo Pontifice delegetur cognitio caufæ matrimonialis, polfit cam subdelegare? Ratio negandi sumitur ex c. si pro debilitate, 3. de offic. Jud. deleg. ibi: si pro debilitate, vel pro

qualibet alia gravi causa, vel necessitate tractandis causis, quæ tibi à Sede Apostolica committuntur, interesse non poteris: liberum tibi sit personis discretis, & idoneis vices tuas committere, it a tamen, quod, si res tanti est, consulere te debeant; nisi forte causa ita graves sint, quod sine prasentia tua non possint commode terminari, in quem textum glossa ibidem ait: gravia negotia debet quis per se tractare, & non per Procuratorem; sed cognitio causarum Matrimonialium est grave negotium, saltem in multis quastionibus & at hoc explicari potest, ut procedat in casu, quo sine personali præsentia Ordinarij, non tam commode negotium tale posset expediri , ut notatur in textu; hodie autem, post tam multos doctissimorum Jurisperitorum Commentarios in cam quoque materiam, plerumque fine Ordinariorum præsentia, expediuntur ejusmodi causæ; præsertim, si ante sententiam, eorum judicium ad Ordinarium referendum sit.

Quoniam autem frequenter contingit, quod pendente lite ( v. g. petitæ hæreditatis) coram Judice seculari; quastio incidat circa Matrimonium, fine qua prius definità Judex secularis causam principalem definire non potest; dubitari potest, an ejusmodi causa cognosci possit à Judice Laico? & consequenter causa Matrimoniales, saltem in quastione incidenti, sint mixti fori? Ante resolut. not. si contingat casus, quod Titius coram seculari Judice petat fibi hæreditatem (v.g. Caij, vel Bertæ) dicens se utriusque filium; illi autem opponatur, quod non sit legitimus, vel non fit filius, seu ex illis natus, aut aliud quid simile; posse dubitari, an in dato casu, ut Judex Titlo concedat, vel neget hæreditatem, necessario prius terminanda, sit quæstio illa incidens, an sit eorum filius? an, si vere sit, sit legitimus?

Not. 2. Quæstionem; quæ incidit; dum coram Judice tractatur negotium principale, posse versari, vel circa jus, vel circa factum. Nam; si pars excipiens, vel opponens solum illegitimitatem; se fundaret in eo; quòd quidem natus sit ex Conjugio inter Caium; & Bertam; sed irrito, & nullo; quæstio esset jutis; an eorum Matrimonium suerit validum,

4172

4184

nec ne? si ineo, quòd non sit natus ex illis, vel non ex Conjugio inter ejus parentes inito, quæstio esset facti, an sit ex eis natus, vel an illi Matrimonium iniverint? Not. 3. quæstionem moveri posse de ipso sacto, vel præcisè (nimirum de Matrimonio inito, & nullo alio, an jure? an mero sacto?) vel prout includente, aut dependente ab alia quæstione juris; ut si dicatur, Matrimonium inter eos non esse celebratum in ætate nubili, &c. qui-

bus politis:

Resp. quando incidit quastio juris de 419. valore Matrimonij causâ super temporali (fuccessione hæreditaria v.g.) coram Judice seculari pendente, quastionem incidentem non esse fori mixti, sed pertinere ad folum Judicem Ecclesiasticum, ex n. 415. & constat ex c. Tuam 3. de ordine cognitionum, de quo ex professo agimus tit. 10. à n. 874. quod etiam dicendum venit de quæstione facti, in quantum includit, aut dependet ab ejusmodi quæstione juris; sic enim & hæc prius definienda est à Judice Ecclesiastico, quam Judex Laicus procedat ad quæstionem fa-& resolvendam, includentem, vel dependentem à quæstione juris pertinentis ad substantiam, seu valorem Matrimonij:at ubi est quæstio facti præcise, v.g. an illi parentes nuptias habuerint? an ex illis Titius natus sit? an sit supposititius? &c. cum hic fit mera quæstio facti, nihil attingentis de jure spirituali, de hac quæstione cognoscere, judicare, vel pronuntiare, nullo jure prohibetur Judex secu-

Ouod hoc casu annotavimus, advertendum est in alijs obvenientibus. Nam si separato v. g. Conjugio quoad thorum apud Judicem secularem quastio moveatur de restituendis mulieri bonis e. g. paraphernis, morgengeba, &c. ubi nulla incidit quæstio pendens à valore Matrimonij, aut divortij legitime facti, causam directe cognoscere, ac terminare, erit solius Judicis secularis; si secus, solius Ecclesiastici; ex quo sit circa eandem rem (ut ostendimus hie de præmissis causis, vel criminibus ) posse moveri diversas quæstiones, quarum aliquæ non sint mixti fori; sed hæ, fori Ecclesiastici; aliæ secularis tantum. Hinc Lancellotus in pr. de attentatis p. 2. 6. 12. limitat. 24.

existimat, Judicem secularem non posser redargui de attentato, si, pendente lite Matrimoniali, alimenta Uxori interim à Viro præstanda decernat; extra potestatem tamen suam ageret Judex secularis, si per Judicem Ecclesiasticum lata sententià, ut Uxor redeat ad Virum, à quo se separaverat ex causa reprobata per illum Judicem, Uxori contumaciter perseveranti in recessu à Viro, hunc ad alimenta nihilominus præstanda cogeret.

#### 6. V.

An, & qualiter causa juramenti sit mixti fori?

On est dubium, utrumque forum agere de juramento, vel observando, vel alijs effectibus juris exinde nafcentibus, quòd dispositioni alicui, vel contractui adjectum fit juramentum. Hinc in Jure Canonico extat integer titulus 24. de jurejurando, hoc lib. 2. cum sit res, ad salutem animæ pertinens. Similiter in jure civili agitur, qualiter pacta firmentur, vel non firmentur, aut etiam vestiantur juramento ? statuuntur poenæ perjurij; exigit juramentum à testibus; defert jusjurandum partibus, & coram se deponi permittit; ex quo communiter deducunt Authores, causam juramenti esse mixti fori.

Quia tamen etiam Judex seçularis, ubi 422 agitur de vitando peccato (v.g. ne Deus vocetur in testem falsi, etiam de se levis; nam hoc ipsum ex genere suo mortale est) ubi tale periculum subest, de juramento cognoscit, judicare debet secundum Sacros Canones, quorum proprie est tractare de pertinentibus, vel avertentibus à salute animarum, qualiter id contingit per grave peccatum; & ad hoc per censuras Ecclesiasticas compelli potest; c. Licet. 2. de jurejurand. in 6. ubi cum accidisset, ut tametsi mulieres alienationibus dotium, aut donationum propter nuptias se non contraventuras jurârint, nec vi, nec dolo adductæ; nihilominus apud leculares Judices audirentur; hoc audito, Bonifacius VIII. mandat, ut Judices per locorum Ordinarios sub censura adigantur ad observandum Jus Canonicum, quo decernitur, ut tale mulierum juramentum obliget; ita

enim

UNIVERSITÄTS-BIBLIOTHEK enim res postulat, ut animarum periculis obvietur.

Ex hoc casu deducitur, quòd Judex Ecclesiasticus Ordinarius possit, & debeat compellere Judicem Laicum, ut servet Jus Canonicum, quamvis sit contra Jus Civile, quando intervenit peccatum, v.g. si vir vendat rem dotis, vel datum propter nuptias, Uxor consentit, & jurat non contravenire huic alienationi, & hoc fine vi, & dolo, de Jure Civili potest contras venire, de Jure Canonico non potest, in hac causa Judex est compellendus, ut servet Jus Canonicum; sic Vivianus in Rationali l. 2. pag. 235. & alij. Deducitur 2. quòd contractus quilibet, quantumvis invalidus, juramento firmetur, per Covar. inc. quamvis pactum, p. 2. 2. 1. n. 6. Surd. de aliment. tit. 8. privil. 56. n. 42: Sed circa hoc mota, id procedere, dum jure solum humano irritus est; 2. de firmitate, ex vi Religionis; an etiam in vi pacti, & justitiæ? diximus negative lib. 32 tit. 35. de Pactis. Unde Layman in dict. c. Licet, rationem, & decisionem hujus capituli solum ostendere, inquit, quòd Judex secularis pronuntiare debeat, juramentum obligare ex virtute Religionis, ideoque mulieri concedendum non esse, ut alienationem adversus juramentum suum revocet; num verò ipsa alienatio per juramentum confirmetur, ita , ut exinde actio institia oriatur, de hoc jus Canonicum Judicibus secularibus nihil præ-

Si quaras, an hares ex contractu legitimo, & fimul jurato à defuncto prius inito, conveniri possit coram Judice seculari, non tantum titulo vinculi justia tiæ, sed etiam Religionis, illo propter contractum, isto propter juramentum? Resp. posse, vi primi vinculi, quando materia contractûs non est aliena à foro Laico, ut, si sit super re merè temporali. Quoad secundum, de vinculo juramenti, in quantum importat obligationem Religionis, videtur negandum. Nam hæres, quà talis, non potest conveniri ex obligatione contracta per eum, cui succedit, nisi talis obligatio sit realis, seu cum re transeat ad hæredem ; sed obligatio ex vi juramenti non transit in hæredem, cum sit personalis ex communiDoctorum; ergo.

Zom. II.

Dices: huic resolutioni obstare c. fin: 425. de sepulturis, ubi dicitur, ad satisfaciendum cogi debere hæredes, ad quos pervenerunt bona defuncti, qui ab excommunicatione; contracta propter graves excessus, in morte fuit absolutus. Resp. etsi non desint, qui velint, dictos haredes conveniri posse ex maleficio defun-&i, licet nihil inde pervenerit ad eos, ut vult Covarr. Menoch. & alijapud Barbos. in cit. c. fin. n. 4. hoc tamen ex ejus textu non rectè deduci, ut clarum est ex textu; ibi! sed ejus hæredes, & propinqui, ad quos bona pervenerunt ipsius, ut pro codem satisfaciant, censura sunt Ecclesiastica compellendi; igitur obligatio, qua in hoc c. hæredibus imponitur, est ratione bonorum, que ad eos pervenerunt; adeóque non personalis, sed realis est. Deinde quando dicitur, cum judicium coram Ecclesiastico contra jurantem cœptum est, hæredem teneri stare judicio cœpto, & durare apud eundem usque ad finem judicij, hoc non nascitur ex obligatione juramenti, merè personali, sed ex contractu, vel quasi contractu, quem inducit litis contestatio, ut alibi diximus. Sed de hac materia juramenti ex profesfo dicemus infra tit. 24.

# e. VI.

An, & qualiter ultima voluntates fint mixti fori?

Otissima quæstio est circa illarum 420 executionem, cui hoc munus de jure computar in casu; quo nullus Executor à defuncto nominatus est? Inter ea, quæ pertinent ad executionem, funt legata; quorum quædam esse possunt, vel ad caulas pias, vel ad profanas. In hac materia extant plures leges civiles. Primo enim in Novella 131. c. 11. §. si autem, dicitut: in omnibus enim talibus piis vo= luntatibus Sanctiffimos tocorum Episcopos volumus providere, ut secundum des functi voluntatem cuncta procedant : liz cet pracipue à testatoribus, aut donatos ribus interdictum fit, eos habere ab hoc aliquod participium. Deinde L. 28. S. 5. C. de Episc. & Clericis, ibi: & , ne pium defuncti propositum, improba fraudatorum calliditate celetur, quidquid pro hu-

jusmodi causa à testatore relictum fuerit, universi, qui id quocunque modo cognoverint, vel in Viri Clariffimi Rectoris Provincia, vel in Urbis Episcopi notitiam deferendi, liberam habeant facultatem : ac demum L. 50. ff. de petit. heredit. ibi: quamvis enim stricto jure nullà teneantur actione hæredes ad monumentum faciendum, tamen Principali, vel Pontificali auctoritate compelluntur ad obsequium supremæ voluntatis.

Not. autem per ca verba Novellæ 131. în omnibus enim talibus piis voluntatibus, denotari omnes præcedentes, de quibus à principio Novella loquitur, quæ fic habet: si quis pro redemptione captiporum, aut alimentis pauperum hareditatem, aut legatum reliquerit in rebus mobilibus, aut immobilibus, sive semel, five annale: & hoc modis omnibus lecundum testatoris voluntatem, abiis, quibus jussum est hoc facere, compleri. Si autem specialiter dixerit, quomodo pauperibus hoc reliquit: precipimus Sanctifsimum Episcopum Civitatis, in qua testator habuit domicilium, percipere easdem res, & ejus Civitatis pauperibus erogare. Si autem pro redemptione captivorum aliquid relinquatur, & non nominatim testator dixerit, per quem oporteat fieri redemptionem captivorum: etiam fic jubemus, res ad hoc relictas, locorum Episcopum, & ejus aconomos accipere, & hujusmodi pium opus implere. Nam his enumeratis statim subjungit d. in omnibus enim, &c. & recufantibus Episcopi executioni parêre, statuit pœnam, ibi: Si autem, qui hoc facere jussi sunt, semel, aut secundo à beatissimo locorum Episcopo, aut ejus aconomis per publicas personas admoniti distulerint, quæ disposita funt, adimplere: jubemus eos, omne lucrum relictum eis ab eo, qui hoc præceperit, amittere: & locorum Episcopos omnes res cunctis (sicuti dictum est) piis causis distributas, cum fructibus, & augmentis medij temporis, & memorato lucro vindicare: & que testator disposuit, adimplere scientes, quia si neglexerint, pro his omnibus rationem D EO persolvent.

Ut autem, quantum sibi cordi sit exe-

ita statuit : Si autem hæres , quæ ad pias causas relicta sunt, non impleverit, dicens relictam sibi substantiam non sufficere ad ista: pracipimus omni Falcidia vacante, quidquid invenitur in tali substantia, proficere, provisione Sanctissimi locorum Episcopi ad causas, quibus relictum est. Si autem legatum ab aliquo ad pias relinquitur causas: jubemus intra sex menses, ab insinuatione Testamenti numerandos, hoc modis omnibus praberi, quibus relictum est. Si autem distulerint, qui in hoc onerati sunt, hujusmodi præbere legatum: & fructus, & Usura, & omne legitimum exigatur augmentum à tempore mortis ejus, qui hoc reliquit. Si autem annale legatum cuilibet venerabili domui relinquatur: fiquidem qui hoe dare justi sunt, aut locus, ex quo justum est hoc præberi, in ipsa aut vicina Provincia fuerit: jubemus nullo modo legatum alienari. Si verò loca, aut persona, ex quibus hoc dari præceptum est, longiùs fuerint: tune liceat illis, quibus hoc relictum est, si etiam pars obligata consentit, commutare legatum, & pro eo percipere reditus idoneos, & cum augmento non minus quarta partis relicta quantitatis, & neque plurimis tributis fiscalibus prægravatos: aut vendere, fi voluerint, hujusmodi legatum, & non minus pro pretio percipere, quam ex tali legato intra vigintiquinque annos colligitur: ita tamen, ut hujusmodi pretium ad utilitatem prædictæ venerabilis domûs, ubi relictum est, proficiat.

Idem circa executionem piorum le- 429. gatorum expresse habetur in Trid. Seff. 22. de Reform. c. 8. ibi: Episcopi etiam, tanquam Sedis Apostolica delegati, in casibus à jure concessis, omnium piarum dispositionum tam in ultima voluntate, quam inter vivos, sint executores.

Ex dictis juribus deducitur. 1. execu- 430. tionem legatorum ad pias causas pertinere ad Ordinarium loci, si nullus alius executor à defuncto nominatus est, etiamsi defunctus in ultima voluntate sua interdixisset, ne Episcopus in illa se intromittat, id, quod aperte sequitur ex S. in omnibus enim, de quo num. 426. quando autem in duabus posterioribus constitucutio ultimarum voluntatum, ostende- tionibus sermo est alternativus de Rectore ret Imperator, in eadem Novella, c. 12. Provincia, vel Urbis Episcopo; ut habetur

L. 28.

L. 28. & de Principali, vel Episcopali austoritate, ut dicitur L. 50. de qua num. 426. intelligendum venit in casu, quo improba fraudatorum calliditate aliquid celaretur, ne pium defuncti propositum impleatur, vel hæredes recusarent desuncto modumentum facere ad obsequium supremæ voluntatis.

Deducitur 2. pia legata, intra sex menses, numerandos ab infinuatione Testamenti, spectato jure communi, solvenda esse; &, si hæredes recusarent, causantes, quòd substantia sibi relicta non sufficiat ad ea persolvenda, Falcidiam ei non concedi per cit. Novell. c. 12. Supr. num. 428. Deducitur 3. in quæstione, ad quem Episcopum (an domicilij, an Originis? ) pertineat executio ultimarum voluntatum quoad legata sita est; cæterùm ad Episcoporum originis; excipe res legatas pauperibus erogandas; harum enim executio pertinebit ad Episcopum Civitatis, in qua testator habuit domicilium, ut dicitur in cit. Novell. 131. in n. 427. id quod etiam dicendum ex eadem Novella, si pro redemptione captivorum aliquid relinquatur, si testator non dixit nominatim, per quem oporteat fieri redemptionem captivorum. In dubio autem attendi debet consuetudo loci, modo legitime inducta sit; que rationabiliter præsumitur pro Episcopo loci, in quo Testator defunctus est.

Notandum autem, quosdam velle, dictam executionem pertinere ad utrumque Judicem, tam Ecclefiasticum, quam secularem; id, quod deducunt ex dicta L. 28. & 50. relata superius num. 426. sed ad hoc respondimus num. 430. quamvis multi Judices Laici se tueantur consuetudine, quam dicunt jam receptam, ut per ipsos fiat. Mirabile tamen est, à plurimis ejusmodi Judicibus', in plerisque, quæ agunt non modò contra leges, sed etiam Sacros Canones, vix afferri ullum rationabile fundamentum, quo tueantur ejusmodi consuetadinis justitiam. A multis audivi, sæpius reddi pro factorum suorum exorbitantia, nullo jure scripto permissa, imò reprobata, hanc unam rationem; quia sic jam est consuetum; sic habet usus, & praxis; super tali excusatione minus rationabili Gregorius lummus Pontifex (ut habetur in integra le-. Zom. 11.

Etione c. cùm non ignores, t ç. de præbend.) scripsit cuidam Archiepiscopo ita loquens: mirabile gerimus, & indignum, quòd uni personæ locum in pluribus Ecclesiis velis concedere, vel in Episcopatu tuo inducere consuetudinem Ecclesia Gallicanæ: quæ, cùm unum ad plura recipiat benesicia, contra Sanctorum Canonum instituta, non approbatur à nobis, licèt non posset præ multitudine delinquentium emendari.

Ex hoc enim, quod contra tales usus, 4334 potentia, & cupiditate, vel etiam avaritia potius, quam ratione inductos, quandoque etiam Principes non modo Ecclesiastici, sed etiam Laici, non utantur pœnali correctione, prorsus inepte deducunt plures, id ipsum sibi licere, tanquam filentio Principis comprobatum; cujus tamen evidens argumentum est in contrarium, etiam ipsà conscientià reclamante, non propterea approbari, sed cum non possit præ multitudine peccantium emendari, patienter suffineri, ut bene ait Innocentius III. (prout habetur in c. cum jam dudum, 18. de prabend) scribens Episcopo, & Cantori Tornacenfi; quia multa per patientiam tolerantur, que, si deducta fuerint in judicium, exigente justitià, non debeant tolerari. Unde, si quandóque in examen justitiz venirent ejusmodi consuetudines, & , ut ajunt praxes, facto jam receptie, deprehenderentur natales suos repetere abAmbitione, Cupiditate, Odio, dominandi libidine, acaviditate lucri; ex quibus natæillæ consuetudines, & praxes, utpote vitiolæ ex objecto, nunquam etiam immemorabili tempore purgari posfunt, ac præbere idoneam legi materiam, fine quo nulla consuerudo vim habere potest; sed corruptela est, & consuetudo perversa:

Accedit, quòd plurium opinione, profectò erronea, jam persuasum sit, quamlibet consuctudinem, seu longum usum, seu practicam, pro lege recipi, dare jurisdictionem; & illicitum cateróquin stante tali lege, reddi licitum, tanquam contra vim legis prohibentis jam esset præseriptum usu contrario; quo sit abrogata. Certum autem est, quòd nulla consuctudo, contra legem præexistentem prævaleat, nisi sit rationabilis (hocest, verse-

Q 2 ti

tur circa materiam, de qua meritò lex condi posset; si nulla extitit; vel certè bono communi, saltem æquè utilis sit, ac lex præexistens, si ei contrarietur) id quod nunquam habere potest ulla consuetudo, quæ laborat vitio intrinseco ex objecto, qualis ea est, de qua num. præced. Sed de hoc plura lib. 1. tit. 4. de Consuetud. Ex dict. tandem concludi potest, an, & quo sensu causæ ultimarum voluntatum sint mixti fori?

## S. VII.

An Sodomia sit mixti fori?

E hac materia agitur in corpore juris Ecclesiastici, c. Clerici, 4. de excessibus Pralatorum, ibi: quicunque illà incontinentia, que contra naturam est (propter quam ira Dei venit in filios diffidentiæ, & quinque civitates igne consumpsit) deprehensi fuerint laborare, si Clerici fuerint, dejiciantur à Clero, vel ad agendam pænitentiam in Monasterijs detrudantur: Si Laici excommunicationi subdantur, & à cœtu fidelium fiant penitus alieni. Ex quo colligitur, hoc crimen esse fori Ecclesiastici ; non tamen solius, sed etiam secularis; cum de illo etiam in eo jure habeatur pecularis constitutio, L. 31. C. ad leg. Jul. de adulter. ibi: cum Vir nubit, in fæminam Viris porrecturam, quid cupiatur, ubi sexus perdidit locum? idest, ut notat glossa, ubi nulla habetur ratio sexus à Deo disfincti? jubemus infurgere leges, amari jura gladio ultore, ut exquisitis pœnis subdantur infames, qui sunt, vel futuri sunt Rei.

Circa prædicta jura not. 1. ea loqui de Sodomia perfecta, quam apud Pereyram in Elucidar. num. 1511. definit S. Thomas 2. 2. q. 154. a. 11. quòd sit coitus inter duos non servato sexu debito: ac proinde committitur per concubitum masculi cum masculo, aut seminæ cum semina. Not. 2. contra hoc vitium extare specialem constitutionem Pij V. incip. Horrendum scelus, per quam omni Privilegio Clericali, Officio, Benesicio, & dignitate privati degradantur, ac brachio seculari traduntur; & refertur à Barbosa de Offic. & potest. Episcopi p. 2. allegat. 46. num. 21. quam tamen pertinere ad forum

exterius, & in foro conscientiæ non esse usu receptum, tradunt Filliuc. de casib. referv. p. 2.c. 7. S. 1. n. 8. Avila de Cenfur. p. 7. D. 4. d. 7. conclus. 7. & alij; & intelligi volunt de illam exercentibus (hocest, qui usu frequenti hoc vitium committunt) Fr. Emmanuel qq. regular.to. 1. q. 30. a. 19. Sayrus de Censur. l. 7. c. 12. num. 23. & alij; nec nisi hoc sit notorium; sic Ugolinus de irregular. c. 43. num. 4. & ad pœnas in eo decreto contentas exigi sententiam Judicis, ita, ut ante illam Clerici eas non incurrant in foro conscientiæ; sic Filliucius tom. 1. quast. moral. tr. 17. n. 127. & alij. Illud ad extremum nota ex Haunold. tom. 5. de Jure, & Justitia, tr. i. num. 339. quam vis particula exercentes rectè sumatur in eo sensu; quo præmissum est; & apud eundem testerur Navarrus, Pium V. sic oretenus declarasse; quia tamen in alijs constitutionibus habetur : perpetrantes, Martam cum alijs arbitrari, ad incurrendas eas pœnas, sufficere unum actum.

#### &. VIII.

An Usura sit crimen mixti fori?

Oquimur de Usura, dux non tantum Jure Canonico, sed etiam civili prohibita est. Nam eo lensu, quo jure civili permittitut, non esse vitiosam, sustinet Haunold. cit. tom. 3. tr. 9. d num. 382. & quamvis Baldus L. quoties C. de Judicijs; cum alijs Antiquioribus existimaverit, Usuram esse crimen solius fori Ecclefiastici (quod jure civili permissa esser) quia tamen non in quolibet sensu, etiam hoc jure admittitur, fed prohibetur, ut constat ex Novella 131. ideò communior tenet; esse crimen utriusque, consequenter mixti fori. Verba Novellæ funt: Sancimus igitur, vicem legum obtinere Sanctas Ecclesiasticas regulas, que à Sanctis 4. Concilijs exposita sunt, aux firmate, hoc est, in Nicana Trecentorum decem, & octo; & in Constantinopolitana Sanctorum i 50. Patrum; & in Ephefina prima, in qua Nestorius est damnatus; & in Chalcedonia, in qua Eutiches cum Nestorio anathematizatus est. Prædictarum enim quatuor Synodorum dogmata, sicut Sanctas Scripturas acci-

pimus

pimus, & regulas, ficut leges observamus. Nam ex hoc sic argui potest: quod prohibitum est in dictis 4. Concilijs, etiam in jure civili habendum est prohibitum (cum illæ Conciliorum prohibitiones ab Imperatore etiam pro foro civili, receptæ sint in vicem legis) sed in illis Concilijs, prohibitæ sunt Usura; ergo etiam jure civili.

Min. constat ex Concilio Nicœno c. 17. quod refertur c. quoniam 2. dist. 47. ibi : quoniam multi sub regula constituti avaritiam, & turpia lucra sectantur; oblitique divinæ Scripturæ, dicentis (qui pecuniam suam non dedit ad usuram) mutuum dantes centelimas exigunt, justè censuit sancta, & magna Synodus, ut, si quis inventus fuerit, post hanc definitionemusuras accipiens, aut ex adinventione aliqua, vel quolibet modo negotium transigens, aut hemiolia, id est, sescupla exigens, vel aliquid tale prorsus excogitans turpis lucri gratia, dejiciatur à Clero, & alienus existat à regula. Pro cujus expositione not. per hemiolia, seu sescupla intelligi sesqui alterum usurarum genus in frugibus humidis, vel arentibus permifsum lege Constantini, quæ nunc exstat in Codice Theodofiano, lib. 2. tet. ult. de Usuris, L. 1. Eodem pertinet, quod scribit B. Hieronymus in commentarijs in Ezechielem, lib. 6. c. 18. his verbis: folent in agris frumenti, & milit, vini, & olei, ceterarumque specierum usuræ exigi, five ut appellat sermo divinus superabundantiæ: verbi gratia, ut Hyemis tempore demus decem modios, & in messe recipiamus quindecim; hoc est, amplius partem mediam. Quamobrem hoc canone, quo Patres illi omnes pecuniarias usuras Clericis interdicunt, volucrunt etiam sescuplam frugum expressè iisdem interdicere. Postea verò in a= lijs Concilijs, & à Romanis Pontificibus genus omne usurarum tanquam juri naturali, ac Divino contrarium, tam Clericis, quam Laicis suis interdictum, quemadmodum apparet in Decretalibus, tit. de Usuris.

Potissima dissicultas, quæ hic movetur ab Haunoldo cit. num. 325. est, an quæstio juris in dubio, an his contractus sit usurarius? sit mixti sori ? atque adeò etiam à Judice Laico desiniri possit? Ne-

gativam sequitur Marta p. 2. de Jurisdict. c. 7. num. i 1. & Julius Clarus, S. fin. q. 37. n. 2. quia cum fit periculum gravis peccati, si contractus approbetur tanquam non usurarius, qui revera ex principijs Sacræ Theologiæ usurarius est, videtur cognitio de hac juris quastione non posse pertinere ad forum Judicum secularium; qui plerumque procedunt solum ex præsumptionibus, & dispositione legum, quæ respiciunt magis forum fori, quam forum poli; quod tamen in hac materia præ cæteris considerandum est, cum ipse Imperator, ut retulimus num. 437. se remittat ad constitutiones Conciliares Ecclesia, cujus proprium est judicare de his, quæ vi legum à se conditarum jure valida, vel irrita fint. Affirmativam tamen sequitur Haunoldus, prosua opinione referens Guazzienum defens. 11. c. 12. Covarruviam Variarum resol. l. 3. c. 3. & Farinacium, &c. Sed hoc videtur accipiendum de quastione; quanti astimari juste possit periculum lucri cessantis; vel emergentis damni in certis circumstantiis? ratione cujus aliquid licitè ultra fortem exigi potest.

# à. ix.

#### De Praventione.

Uid sit præventio in causis mixti sori? diximus num. 396. in sine; quæstho nunc est. i. an Actor possit inter Judices variare? pro quo responsio est negativa. 1. ex L. Ubi 30. de Judicijs; ibi : ubi
acceptum est semel judicium, ibi & sinem
accipere debet; deinde, ex Authent. qui
semel; C. quomodo aut quando Judex
sent proserre debet; ibi : qui semel actionem proponit; sive conventione Judiciarid, sive precibus Principi oblatis; Judicique insinuatis; & per eum Adversario
cognitis; necesse habet usque ad sinem litem exercere. An autem, & qualiter Actor possit sacere, citari Reum ad utrumque Judicem; colligi potest ex dict. à ni
398.

Quæstio altera est; quo actu inducatur præventio? In hac quæstione Bartolus L. penult. ff. de Judicijs existimat; cam inducalitis contestatione; quod dicta lex videatur hoc supponere; communior ta

4414

23

men

UNIVERSITÄTS BIBLIOTHEK

men tradit, quòd citatione Rei; nam per hoc definit esse res integra, & firmatur jurisdictio Judicis delegati sic, ut non definat etiam morte delegantis, ut diximus lib. 1. tit. 29. ubi etiam diximus, non sufficere solum mandatum citationis, nec alia judicii præparatoria, seclusa citatione. Not. autem nos loqui de citatione verbali; pro qua requiritur, ut pervenerit ad notitiam citandi, vel per ejus malitiam impedita sit, ne in ejus notitiam devenerit, de quo V. dicta à num. 186. 6 329. Not. 2. ubi proceditur vià accusationis, citationem debere fieri ad instantiam Accusatoris; si per denuntiationem, ad mandatum Judicis; sic Bartolus in L. 13. C.

Judic.

Quæstio 3. est, an in Ordine ad hoc sufficiat una & simplex citatio? de hocagitur c. proposuisti. 19. h. t. ubi dicitur, quod qui à Judice suo ad instantiam Adversari) legitime citatus, & ita in causa illa præventus fuit, non possit mutando forum, per translationem domicilij, prius illud judicium declinare; si enim per citationem etiam unicam, & simplicem judicium jam est semel captum; consequenter per dicam L. Ubi, 30 ff. de Judic. (relatum num. 440.) ibi finem debet accipere ; licèt autem dictum c. 19. loquatur solum de eo, qui ratione domicilij aut beneficij residentiam postulantis, ideoque absolute, subditus est; tamen idem quoque dicendum de eo, qui subditus est secundum quid, videlicet ratione debiti, aut contractus, quòd per citationem præventus effugere non possit Judicis potestatem, quo minus contrà illum procedi possit tanquam contumacem, nisi se sistat, & respondeat.

Quoniam verò quandoque fieri posset, quòd præventio per citationem verbalem occurrant cum reali, distinguendum est, an fiant quasi simul, an una priùs altera? nam in primo casu, prævaleret realis, tanquam potentior; quod etiam dicendum, si verbalem tempore præcederet; si autem verbalis præcederet realem, communior Doctorum opinio est, quòd tune prævaleret verbalis reali; cum nullo jure illi, si tempore prior sit, adimatur vis inducendi præventionem, esto subsequatur realis, mandato alterius Judicis. Hinc si Reus citatus verbalitet ab uno Judice,

post hoc etiam citetur realiter ab altero indicto v.g. arresto, non teneretur parere secundo; & sistens se primo, non curato tunc arresto, nihil ageret contra jus secundi, utpote præventi à primo Judice competente; quod maxime procedit, si delictum ratione personæ exemptæ à foro fecundi Judicis, non subesset ejus cognitioni, prout res se habet in causis Scholarium, de quibus in Authent. Habita, C. ne filius pro Patre.

Quæstio. 4. est, quis sit effectus præ- 444 ventionis? Resp. quòd principalis ejus effectus sit consolidatio jurisdictionis pro tali causa in Iudice præveniente, ita ut nullus alius Iudex, quantumvis antecedenter ad præventionem competens fuilset, in negotio prævento se ingerere possit, arg. L. 7. ff. de Judicijs, ibi : si quis, posteaquam in jus vocatus est, miles, vel alterius caperit, in ea causa jus revocandi forum non habebit, quasi præventus. Et hoc etiam statuitur in c. Proposuisti. 19. h.t. quod retulimus num. 442. Nam juxta hanc constitutionem legitime citatus, tenetur coram Iudice citante causam prosequi, non obstante; quòd post citationem etiam mutaverit forum; ergo etiam non obstante, quod post citationem ab uno Iudicum alias competentium, citetur; sic enim est ab illo legitime præventus. Ex hoc fit, quod Iudex, qui alterum prævenit, præventa etiam inhibitione pænali possit prohibere, si vellet se ingerere; quòd tamen intellige, si ambo sint sub eodem Principe, ne cateroquin talis inhibitio contemni possit, nullo valente illum compellere.

Præter dicta not. 1. quando plures funt 4454 Rei in codem delicto, præventionem probabilius induci ab eo, qui unum eorum citavit prius; ne scilicet dividatur continentia causarum, quod jura fieri prohibent; quod tamen accipe, nisi complex aliunde etiam in delictis sit exemptus à foro talis Iudicis, qualiter contingeret in delicto Clerici cum Laico; nam Clericus etiam criminosus exemptus est à foro Laicorum ex dict. supr. Unde, si Iudex Ecclesiasticus citatione Clerici præveniret Iudicem Laicum, iste etiam foret praventus quoad complicem Laicum; non

Not,

Not. 2. Si Iudex præventus nihilominus procederet, utriúsque Iudicis processum per se loquendo valiturum, si sententiæ illorum non forent contrariæ, nec pars præventa opponeret exceptionem præventionis; nam Iudex præventus verè est competens, quamvis exceptione præventionis declinari possit; non tamen exceptione incompetentiæ; unde, si ei exceptio præventionis non opponatur, jure suo procedet. Debet autem Iudex præveniens in ejusmodi casu procedere juxta stylum suæ Curiæ, acsi non esset ullus alius Iudex competens, & alterius Curiæ.

Not. 3. in casu, quo Reus Iudici per alium pravento in cassum opponeret exceptionem praventionis ab alio sasta, Judice pravento non attendente illam exceptionem, Reum posse, vel recurrere ad Judicem pravenientem, ut sui vexationem inhibeat judici pravento; vel si hoc non juvaret, ad Superiorem, si idem sit utriusque Superior; vel demum (si non essent sub eodem Principe) Reo manere liberum, comparere coram alterutro, quo maluerit.

Quastio s. Est circa poenas, an, postquam Reus à Judice præveniente est punitus, etiam Judex præventus cognitâdeinde causa possit eundem tursus punire? hic casus frequens est in criminibus mixti fori, ubi Judices Laici, non obstante pæna per Judicem Ecclesiasticum, qui secularem prævenit, Reo inflicta, eundem perinde puniunt, acsi ab illo punitus non esset, plerumque majori aviditate pecuniæ, quam ut metu pænæ delictis cautela, vel terror imponatur; id, quod etiam quandóque fit à Curatis, quoad adulteros, fornicarios, &c. Ante resolutionem not, quæstionem procedere solum de casu, quo delictum à primo Judice, qui prævenit, non est sufficienter punitum; pœnâ nimirum infra meritum delicti?

Etad hoc satis communis opinio affirmat, quando delinquens delicto mixti sori à Judice præveniente non suit sufficienter punitus, posse illum ab altero Judice rursum causa cognita puniri eo usque, ut pæna censeatur commensurata delicto, non tamen ultra. Ratio primi est; quia sieut delicta non debent simpliciter mancre impunita, ne delictorum impunita.

punitate laxetur frænum libere delinquendi, quod est magnum omnino malum in qualibet Republica, cujus est pro tranquillitate publica custodire justitiam legalem; sic nec debent manere impunita sufficienter, ne levitas, & indulgentia pænæ non curatæ careat effectu, qui eft metu condignæ punitionis, non tantum coërcere lapsos; sed etiam alios; ut inde absterreantur. Ratio secundi est, quia punire delictum ultra meritum est contra justitiam vindicativam; & valde probabiliter Judex puniens ultra condignum lædit etiam justitiam communitativam; cum quilibet jus strictum habeat, ne puniatur innocens; adeóque nec in eo, in quo non est nocens, quod tamen contingeret, si ultra meritum delicti puniretur; excessui enim illi nihil responderet ex delicto. V. Covarruvias Var. resol. toms. 2. l. 2.c. 10. nam. 6.

Advertendum autem, alias esse pœnas tegales, nimirum ab ipta lege, vel jure certis criminibus decretas; alias autem arbitrarias, hoc est, Judicis arbitrio relicas. Hinc not. 1. si Judex Ecclesiasticus Reum punivit pœna spirituali, & a lege seculari decreta est poena corporalis delico, Judicem secularem posse delinquentem omnino coërcere illa poena legali, id, quod in dato casu locum habet in omnibus delictis mixti fori, ut tradit Covarruvias cit. Scaccia inc. Fælicis, 5. de pænis, in 6. Nam postguam Bonifacius VIII. cit. c. Fælicis statuisset varias Spirituales pœnas in diversos delinquentes, subjungit: per hoc quoque secularibus potestatibus non adimimus facultatem, utendi legibus contra tales, quas adversus Sacrilegos Catholici Principes ediderunt. Nam ex hoc inferunt Doctores communiter, accusatum, & judicatum de aliquo ex criminibus mixti fori (quale constat esse Sacrilegium, de quo hic juxta c. cum fit generale, de foro compet.) in judicio Ecclesiastico, posse iterum in seculari accusari, & puniri, & è converso, idem probat text. in L. placet, vers. si quis, C. de Sacrofantt. Ecclef. Abb. num. 4. Felin. num. 13. inc. de his , de accusat.

delicto, non tamen ultra. Ratio primi tiam sequi videtur Barbosa in cit. c. 5. est; quia sicut delicta non debent simpliciter manere impunita, ne delictorum im-

. . . .

& pænå ordinaria judicatum, non posse amplius in seculari judicio conveniri, & è converso; & hoc tradi à Glossa V. audivimus, dum resolvit, in hoc textu jus speciale constitui; sic plane significans contrarium fore secundum regulas juris, quam sequentur Domin. & Franch. hie num. 3. Hostiens. & Joan. Andr. in c. 1. & fin. de Offic. Ordin. & complures alij. Ad rationem in contrarium ex dict. c. 5. respondet, non obstare illius textum; sed per locum à speciali potius probari contrarium; nam; si secundum juris regulas, accusatus in foro Ecclesiastico, poterat iterum puniri in seculari, necessarium non erat, ut Summus Pontifex protestaretur, non esse sux intentionis per pænas fori Ecclesiastici adimere pænas fori fecularis; cum igitur necessarium esse duxerit id exprimere, aprè sentit, secundum juris regulas. Contrarium fore dicendum; & ita intelligit gloff. V. audipimus, cit. & Soc. non improbabiliter dici, affirmat Haunoldus tom. 6. de Justit. tract. 1. n. 123. in fine. Cæterum utraque fententia videtur conciliari posse, dicendo affirmativam procedere solum in casu, quo per unum Judicem delinquens nondum punitus est sufficienter; negativam, si sufficienter, juxta moderationem in fegq.

Hinc etsi Judex Ecclesiasticus delinquentem puniverit pœnâ legali, quæ delicto jure Canonico statuta est; (quæ merè Spiritualis, aut Medicinalis quoad animam est) poterit Judex secularis eidem etiam infligere pænam legalem, quæ tali delicto statuta est jure seculari; excipe, nisi pœna legalis unius fori, extinguat ulteriorem pænam utriúsque, qualis est pœna mortis, juxta plures leges, & statuta municipalia. Ratio primi est; quia, cum delictum fori mixti lædat utriusque fori justitiam legalem; ubi à quolibet eorum statuta est pœna legalis, in-Aicta poena, statuta lege unius fori, etsi hæc fit sufficiens relate ad tale forum, ut à Judice talis fori non amplius juste puniti possit; non est tamen sufficiens relate ad forum alterum, in quo pariter statuta est eidem delicto pœna legalis.

Ex hoc deducitur, ubi in foro Ecclesiastico jure definita est poena Spiritua-

lis, præsertim medicinalis, cujusmodi sunt censura! stando in sententia affirmantium, posse Judicem secularem progredi ad puniendum eundem delinquentem pœna corporali, si quæ illi delicto definita sit lege seculari; sic Scaccia cit. in c. 5. de Panis, in 6. quamvis oppositum sentiant negantes, de quibus à m. 451. nisi delictum tale sit, quod sufficienter puniri non possità foro Sacro, seu Ecclesiastico. Et ideo probabiliter affirmantes limitant communem doctrinam, ut procedat solum in duobus casibus. 12 quando pæna legalis in foro Ecclesiastico est solum medicinalis, quæ potius pertinet ad salutem animæ, quam corporis afflictionem; 2. quando delicto est imposita pœna sanguinis; hanc enim non potest infligere Judex Ecclesiasticus.

Si autem contingat, delinquenti etiam 454 in foro Ecclesiastico constitutam esse pœnam corporis afflictivam, quæ spectato foro Ecclesiastico, non autem civili, est sufficiens, dubitari potest, an delinquentem jam punitum prædida pæna, denuò etiam Judex secularis punire possit ponà, jure seculari definità ? ad hoc meritò respondet negative Haunold tom. 6. de jure. & Just. tr. 1. n. 124. rationem dat, quia non est conveniens, ut Judex Ecclesiasticus in taxanda poena perinde astringatur legi civili, sicut Judex secularis astringitur, cujus sententia esset omnino nulla. si non puniret pæna à jure ipsi præscrip-

Potissima difficultas est circa poenas ar- 45% bitrarias; nam in his amor avaritiæ, & lucri cupiditas, aut etiam privati affectus immoderatio frequenter excedit. Ex hoc enim fit, quòd in pœnis Reo decernendis Judices perquam graviter delinquant. 1. si Reos æqualium scelerum, inæqualiter puniant ; v. g. plebem , cum rigore , publice, &c. civem, sed amicum, cognatum, &c. aut nihil, aut tacite, esto illorum delicta notoria fint, aut communiter magis scandalosa. 2. quod non curent finem pœnæ, qui est, illius coërcitione frænare delinquentes, & curare, ne fiant lapsus recidivi; sed contenti sint, modò delinquens deponat pœnam pecuniariam, sive sequatur emendatio; sive delicta repetantur; ex quo quandóque fit, (ut fæpius lucro suo deserviant, quòd impune

permittantur repetita scelera, nulla sequatur correctio, aut morum emendatio, ne scilicet rariori lapsu rarior pœna illis obveniat, & minuat punientium lucrum. Unde, sicut Judex, qui Reum de se dignum surca, condemnat ex odio, indubié peccat; cum ejus potestas vindicativa non extendat se ad puniendum ex odio; sic indubiè peccat Judex, qui delinquentem de se dignum ea pœna punit ex aviditate lucri, ob rationem candem.

Quastio igitur est, an delinquens censeatur sufficienter punitus pœna arbitrarià, inflictà illi quacunque? Resp. communem esse doctrinam, quæ affirmat, ut tradit Haunoldus cit. num. 125. cum Scaccia cit. num. 91. excepto duplici casu. r. siconstaret, Judicem sordibus (nimirum per munera, vel data, vel promissa, corruptum) notabiliter pænam leviorem inflixisse delinquenti, quam consideratis omnibus circumstantijs delicti gravitas exigat; 2. si pœna notabiliter levior, quam quæ tali delicto taxata est, ex usu saltem, & consuetudine legitima, exignorantia, vel lata culpa Judicis, inflicta effet. Tali enim casu ( quia manifestus esset dolus, aut negligentia Judicis in administratione sui muneris, quo graviter nocetur bono Reipublicæ, tam per defectum, quam excessum poenæ) jure suppleret Superior non modò augendo pœnam, in eo, quo notabiliter defecit à commensuratione cum delicto, imò & plectendotalem Judicem; sed etiam in illo, quo excessit adurgendo ejusmodi Judicem, prælertim vitio avaritiæ, ac lucri sordidum, ad inique accepti restitutionem; cum id exigat justitia commutativa jure naturali, & divino.

### ARTICULUS VII.

De reliquis ad hunc titulum pertinentibus.

457. Cum à n. 397. egerimus de nonnullis criminibus in spécie, quæ saltem in aliquibus quæstionibus, tesolvimus esse mixti sori, notandum, iisdem annumerati. t. Sacrilegium; cum de illo puniendo non tantum agatur in jure canonico locis variis; sed etiam civili, præsertim l. 10.

C. de Episc. & Cleric. & Novella 123. c. 21. S. I. Secundo sortilegium, ex Cod. in titul. de Maledicis, Mathematicis, & aliis similibus: ac jure canonico l. 5. tit. 21. & causa 26. q. 5. c. 10. Tertio crimen falli, ex c. 7. de crimine falli; & ad L. Corneliam de crimine false, tam in ff. quam Cod. Quarto concubinatum, de quoc. Nemo 32. q. 4. & in jure civili, Novella 14. que est de lenocinio, S. t. Quinto polygamiam, quod tamen intellige, si fiat ex libidine; si enim propter eam polygamus sit suspectus de hæresi, pertinet ad solum Judicem Ecclesiasticum; de quo V. dicta 1. 5. tit. 7. de hareticis. Sexto, si offendantur Ecclesia, de quo lib. 5. tit. 17. de Raptoribus, incendiariis, & violatoribus Ecclesiarum. Septimo, Assassinium, de quo ex professo infratit. 49. de Immunitate Ecclesiarum &c.

Hac occasione, cum crimen Concubi. 4586 natus numeretur inter delicta fori mixti, quæltio moveri posset, an etiam hoc dicendum sit de concubinatu Clericorum cum mulieribus Laicis, sic, ut Judex Laicus præveniens Ecclesiasticum, non tantum mulierem Laicam, sed ipsum quoque concubinatium Clericum, ratione talis delistijudicare, ac punire possir ? Sed ad hanc quæstionem ex dictis constat Clericos à jurisdictione fori secularis etiam in dehctis omnino exemptos esse, de quo egimus àn. 137. nec. ejusmodiJudices juvari suo Solito jam consuetudinis, & praxis refugio; cum enim potius fit corruptela, quam usus & praxis rationabilis, prout constat tot sacris canonibus, imò & Principum secularium constitutionibus de quibus egimus loco supr. cit. & non consensione liberà, sed vi, & illicitis plerumque compulsionibus innitatur, nequit vim ullam habere adversus tot summorum Pontificum, ac Principum constitutiones; præsertim, cum etiam in Trid. seff. 25. de reform. c. 14. ubi, cum ageret de puniendis Concubinariis Clericis, subjungit: sapra dictorum omnium cognitionon ad Archidiaconos, nec Decanos, aut alios Inferiores, sed ad Episcopos ipsos pertineat : qui fine strepitu & figura judicii, & sola facti veritate inspecta procedere possint.